

陰陽藏府



杭州圖書館



治惡寒

陽虛惡寒王治

丹陽虛惡寒用參芪之類甚者加附子少許以行參芪之氣 末康呂親家形瘦色黑平生喜酒多飲不困年近半百且有別節忽一日大惡寒戰且自言渴却不能飲予診其脉大而弱惟右關稍實畧類弦重取則澁遂作酒熱內鬱不得泄由表熱而下虛也黃芪一物與乾葛同煎與之盡黃芪二兩乾葛一兩脉得小次日安矣

坤脾胃之虛怠惰嗜臥四肢不收時值秋燥今行濕熱少退體重節痛口舌乾食無味大便不調小便頻數不嗜食食不消兼見肺病洒淅惡寒氣慘慘不樂面色惡而不和乃陽氣不伸故也當升陽益胃名曰升陽益胃湯

羌活半兩

柴胡三錢

獨活半兩

白朮三錢

入醫學綱目卷六

人參一兩

甘草一兩

防風半兩

以其秋旺故以辛溫潤之

半夏一兩

湯洗脉濁者可用

黃芪二兩

茯苓二錢

渴者勿用

澤瀉三錢

不淋者勿用

黃連二錢

橘皮不去穢

白芍藥五錢

何故秋旺用參白朮芍藥之類反補旺為脾胃虛則肺受病故因時而補母虛也

右咬咀每服三錢生薑五片棗二枚去核水三盞同煎至一盞去查溫服早飯後午飯前服之禁忌如前其藥漸加至五錢止服藥如小便罷而病加增劇者是不宜利小便當少去茯苓澤瀉若喜食初二日不可飽食

恐胃再傷以藥力尚少胃氣不得轉運升發也須薄滋味或美食物其藥力益升浮之氣而滋其胃氣慎不可淡食以損藥力而助邪氣之降沉可以小役形體使胃與藥轉運升發慎勿大勞役使復傷胃氣若脾胃得安

靜尤佳若胃氣稍強少食果以助穀藥之力五穀為養  
五菓為助者也禁忌如前者服藥忌語話一二時辰及酒溫麵大料物及次毒寒涼淡滲之物

黃芪補胃湯治表虛惡賊風

黃芪三錢

甘草一錢

麻黃一錢

草薺薺半錢

橘皮半錢

青皮七分

當歸一錢

香白芷半錢

升麻三分

藁本三分

柴胡六分

黃柏八分

右剉如麻豆大水二盞煎至一盞去查稍熱食前服

丹晉雲胡君錫年三十一歲形肥而大色稍蒼厚家富而足更專嗜口味兩年先得消渴病醫與寒涼藥而得安有一人教以病後須用滋補令其專用黃雌雞因此食至千餘隻漸有膈滿嘔吐之病醫者意為胃寒遂以附子沉香之藥百餘貼嘔病除月餘天氣大熱忽惡風足亦怕地氣

醫書綱目卷六

二

遂堆糠尺許厚上鋪以簞糊以重紙方可坐臥而兩手不能執筆口鼻皆無氣以呼吸欲言無力行十餘步便困倦脉皆浮大而虛僅得四至予作內有濕痰因多服燥熱藥遂成氣耗血散當此夏令自合便死因其色之蒼厚元氣尚全可以安穀遂以人參黃芪白朮熬膏煎淡五味子湯以竹瀝調飲之三日諸病皆愈令其頓絕肉味一月後康健如舊又以雞湯下飯一月後胸腹膨滿甚自煎二陳湯加附子白薺薺飲之其病頓除遣人問調理藥予教以絕去諸藥與肉飲自然平安

右陽虛惡寒五法皆以參芪為君首一法佐以附子中三法佐以升陽之劑末一法佐以消痰之劑也

垣夫脾胃之症始則熱中終傳寒中經云陰盛生內寒厥氣上逆寒積於胃中是腎水反來侮土此謂所勝者妄行



也作中滿腫作涎作清涕或溺足下痛不能任身履地骨  
乏無力喜睡兩丸多冷時作陰陰而痛或妄見鬼狀夜夢  
亡人腰背脚眼腰脊俱痛而不渴不瀉此溫氣去寒獨留  
寒獨留則血凝泣血凝泣則脉不通故其脉盛大以濟名  
曰寒中

白朮附子湯

白朮

附子炮

陳皮

蒼朮制

厚朴制

半夏湯  
泥

茯苓去  
皮

澤瀉各一  
兩

猪苓去皮

肉桂四錢

右剉如麻苳大每服五錢水二盞生薑三片煎至一盞  
食前溫服量虛實加減

夫病熱中症者衝脉之火附二陰之裏傳之督脉督脉者  
第二十一顛下長強穴是也與足太陽膀胱寒氣為附經

八 醫學綱目卷六

三

督脉其盛也如巨川之水疾如奔馬其勢不可遏太陽寒  
氣細細如線督脉逆太陽寒氣上行衝頂入顛下鼻尖入  
手太陽傳於胷中手太陽者丙熱氣也足太陽膀胱者壬  
寒氣也壬能尅丙寒熱逆於胷中故脉盛大其手太陽小  
腸熱氣不能交入膀胱經故十一經之盛氣積於胷中故  
其脉盛大其膀胱逆行盛之極子能令母實手陽明大腸  
金卽其母也故燥旺其燥氣挾子之勢故脉瀦而大便不  
通以此言之脉盛大以溢者手陽明大腸脉也

若見此病中一症皆為寒禁用諸甘酸藥

痺病  
崇

素帝曰人身非衣寒也中非有寒氣也寒從中生者何岐  
伯曰是人多痺氣也陽氣少陰氣多故身寒如從水中出  
帝曰人有身寒湯火不能熱厚衣不能溫然不凍慄是  
為何病岐伯曰是人者素腎氣勝以水為事太陽氣衰腎



寒分氣

脂枯不長一水不能勝兩火腎者水也而生於骨腎不生則髓不能滿故寒甚至骨也所以不能凍慄者肝一陽也心二陽也腎孤藏也一水不能勝二火故不能凍慄名曰骨痺是人當學節也逆調論

東垣云晝則惡寒是陰氣上溢於陽分也夜則惡寒是陰血自旺於陰分也

瀰氣分寒 桂枝加附子湯方見傷寒自汗 桂枝加芍藥人參

新加湯方見傷寒體痛

血分寒 巴戟丸 神珠丸方見治虛實法

巴戟丸

良薑六兩 紫金藤十六兩 巴戟二兩 青鹽二兩

肉桂 吳茱萸各四兩

右為末酒糊丸每服二十九暖鹽酒送下鹽湯亦得

醫學綱目卷六

四

三焦寒用藥大例

上焦寒陳皮厚朴藿香 中焦寒大小便不通白木乾薑

丁香 下焦寒肉桂附子沉香

桂附丸 二氣丹 還少丹

上焦 鐵刷湯 中焦 大建中湯 下焦 八味丸

胡椒理中丸 胡椒理中丸 天真丹

胡椒理中丸

欵冬花梗去 胡椒 甘草炙 華撥

良薑各四兩 白木五兩 乾薑 陳皮白去

細辛去苗各四兩

右為末煉蜜丸如梧子大每服五十九溫湯酒米飲任

下

鐵刷湯

良薑兩 六  
茴香各二  
甘草各一  
蒼木米泔

右為細末每服二錢薑三片鹽一捻水一盞煎至七分  
溫服或熱酒調下

二氣丹

肉桂去粗皮 硫黃細研各一錢 乾薑炮 硃砂研為衣各二錢

附子一箇去皮臍炮製為末半兩

右為細末研勻麵糊為丸梧子大每服三十九鹽湯下

附子理中丸

人參去 附子炮去皮臍 乾薑炮 甘草炙

白木各三兩

右為末煉蜜和丸每一兩作十九每服一丸以水一盞

化破煎至七分服

入醫學綱目卷六

五

大建中湯治內虛裏急少氣手足厥逆少腹纏急或腹滿  
弦急不能起臥微汗出陰縮或腹中寒痛不堪勞苦唇口  
乾精自出或手足寒乍熱而煩苦酸痛不能久立補中  
益氣

桂心錢一 芍藥 黃芪各二錢 甘草一錢

生薑錢五 當歸 人參各三錢 附子半錢

半夏錢二 棗三枚

右咬咀水五盞煎至三盞去渣分三服

垣天真丹治下焦陽虛

沉香 巴戟酒浸炒去心 茴香鹽炒香去鹽 破故紙炒

萆薢酒浸焙 胡蘆巴炒 杜仲剉炒去絲 琥珀各兩

官桂錢五 牽牛炒黑去鹽取頭末一兩

右為末用浸藥酒糊為丸梧子大每服五十九至八十

九空心温酒下

海下焦寒四逆例乾薑味苦能止而不行附子味辛能行而不守泄小便不通二藥皆陽氣化能作小便若薑附木三味內加茯苓以分利之為佳附生用而不炮則無火力熱則行而不止兼以水多煎少則熱直入下焦

代灸膏治老人衰弱元氣虛冷臍腹虛滑腰脚冷痛沉重飲食減少手足逆冷不能忍者用此代灸其効不能盡述

大附子炮

吳茱萸

桂皮

木香

蛇林子

兩各半

馬藳草

一兩

右為細末每用藥半匙白麵半匙生薑汁半盞用煎成膏攤於紙上臨臥貼臍以油紙覆其上綿衣繫之自夜至明乃去每夜如此貼之其腰腹如炙百壯除寒積腰疼貼腰眼

背惡寒是痰飲仲景云心下有留飲其人背惡寒冷如冰治法茯苓丸之類是也方見驚悸身前寒屬胃經云胃足陽明之脉氣虛則身以前皆寒慄治法宜鍼法補三里穴是也手足寒者厥也治見掌中寒者腹中寒魚上白肉有青血脉者胃中有寒也腹胃寒理中之類也○全見診法

五臟寒方

肝寒雙和湯方見治虛實法

心寒定志九菖蒲九方見小兒

脾寒益黃散方見小兒

肺寒小青龍湯方見傷寒

腎寒八味丸方見治虛實法

海通治大寒

大巴寒丸 四逆湯

垣沉香桂附丸

沉香

附子炮

肉桂

乾薑炮

良薑

吳茱萸

茴香炒

川烏各一兩



右爲末醋煮麩糊爲丸桐子大每服五七十九米飲下  
食前一服忌生冷

海大已寒丸

葷撥

肉桂各四兩

乾薑炮

良薑各六兩

右爲細末水煮麩糊爲丸如梧子大每服二十粒米飲  
湯下食前服

垣諸脉按之無力所生病症 六脉中之下得弦細而瀉  
按之無力腹中時痛心胃相控掣隱隱而痛或大便溏泄  
莫不聞香臭清濁不止目中淚出喘喝痰嗽唾出白沫腰  
沉沉苦痛項背脅脅時作痛目中流火口鼻惡寒時時頭  
痛目眩苦振寒不止或嗽或吐或嘔或噦則發燥蒸蒸而  
熱如坐甑中必得去衣居寒處或飲寒水則便如故其振  
寒復至或氣短促胃中滿悶而痛如有膈咽不通欲絕之

八醫學綱目卷六

七

狀甚則口開目瞪聲聞於外而淚涕痰涎大作其發燥方  
過而振寒復至或面白而不澤者脫血也悲愁不樂情慘  
意悲健忘或善噎此風熱大損寒水燥金復也如六脉細  
弦而瀉按之空虛此大寒症也亦傷精氣以辛甘溫熱潤  
之劑大瀉西北二方則愈

薑附湯治中寒口噤四肢強直失音不語忽然暈倒口吐  
涎沫狀如暗風手足厥冷或復煩燥兼治陰証傷寒大便  
利而發熱者

乾薑

熟附子分

右咬咀每服四錢水一盞半煎至七分去查溫服或慮  
此藥性太燥卽以附子理中湯相繼服餌薑附本治傷  
寒經下後又復發汗內外俱虛身無大熱晝則煩燥夜  
則安靜不渴六脉沉伏並宜服此不知脉者更宜審之

兼治中脘虛寒久積痰水心腹冷痛霍亂轉筋四肢厥逆一方附子湯以生用者名曰白通湯一方白通湯內加白朮倍之甘草減半名生附子白朮湯治中風濕昏悶恍惚腹脹滿身重手足痲痺熱自汗失音不語便利不禁一方用薑附湯加麻黃白朮人參甘草等分名附子麻黃湯治中寒濕昏暈緩弱腰脊強急口眼喎僻語聲渾濁胸腹脹氣上喘急不能轉動更宜審而用之

六月病寒者宜從中治

海六月大熱之氣反得大寒之病氣難布息身涼脉遲何以治之答曰病有標本病熱爲本大寒爲標用涼則順時而失本用熱則順本而失時故不從乎標本而從乎中治中治者何用溫是已然既曰溫則不能治大寒之病治大寒者非薑附不可若用薑附又似非溫治之例然衰其太半乃止脉得四至餘病便無令治之足矣雖用薑附是亦中治也非溫而何經曰中熱遠熱雖用之不當然勝至可犯亦其理也

右虛寒正治蓋謂脉虛而惡寒者設也脉虛惡寒真寒也故正治

醫學綱目卷六

八

丹色目婦人年近六六月內常覺惡寒戰慄喜炎火御綿多汗如雨其形肥肌厚已服附子十餘貼渾身痒甚兩手脉沉瀋重取稍大知其熱甚而血虛也以四物去川芎倍地黃加白朮黃芪炒黃柏生甘草人參每服一兩重方與一貼腹大泄目無視口無言予知其病勢深而藥無反佐之過也仍用前藥熱炒與之蓋借火力爲向導一帖利止四帖精神回十帖病痊愈 蔣氏年三十餘形瘦面黑六月喜熱惡寒兩手脉沉而瀋重取似數以三黃丸下之



以薑湯每服三十粒二十帖微汗而安三黃惡是三補丸茶連栝也

洩婦人先病惡寒手足冷全不發熱脉入至兩脇微痛治

者便作少陽治之陽在內伏于骨髓陰在外致使發寒治

當不從內外從乎中治也宜以小柴胡調之倍加薑棗

子和一婦人身冷脉微食沸熱粥飯六月重衣以衣帽蒙

其首猶覺寒泄注不止常服薑附硫黃燥熱之劑僅得平

和稍用寒涼其病轉加三年不愈戴人診其兩手脉皆如

橫繩有力一息六七至脉訣曰六數七極熱生多以涼布

熨心以新汲水淋其病處婦乃叫殺人不令人時時復

以冷水淋之至三四十桶大戰汗出昏困一二日而向之

所惡者皆除此法本於華陀所用世無知者

素陽明所謂洒洒振寒者陽明者午也五月盛陽之陰也

陽盛而陰氣加之故洒洒振寒也脉解篇

入醫學綱目卷六

右寒實反治蓋謂脉實而惡寒者設也脉實惡寒假寒也故反治

濕痰惡寒宜吐

丹久病惡寒當用解鬱 濕痰積中抑遏陽氣不得外泄

身必惡寒 進士周本道年近四十得惡寒症服附子數

百帖而病甚予診其脉弦而緩遂以江茶入生薑汁香油

些少吐痰一升許減大半又與通聖散去麻黃大黃芒硝

加當歸地黃百帖而安

一女子惡寒用苦參赤小豈各一錢為末薑水吐後用後藥

川芎

南星

蒼朮

黃芩

酒麴丸服

上焦不通則陽氣抑遏而皮膚分肉無以溫之故寒慄

東垣升陽益胃湯用升發之劑開發上焦以伸陽明出

外溫之也丹溪吐出濕痰亦開發上焦使陽氣隨吐升

發出外溫之也故寒慄皆愈二者治陽虛表寒之要



運氣惡寒有三

一曰火熱經曰諸禁鼓慄如喪神守皆屬於火又云少陽所至為惡寒戰又云少陽在泉客勝則腰腹痛而反惡寒治以寒劑是也

二曰風經云厥陰在泉風淫所勝病洒洒振寒治以辛涼是也

三曰寒濕包熱經云陽明司天之政清熱之氣持於氣交民病振寒四之氣寒雨降病振慄治視寒熱輕重多少其制是也

治寒厥必先熨

靈陰陽者寒暑也熱則滋雨而在上根莖少汁人氣在外皮膚緩腠理開血氣減汗大泄皮淖澤寒則地凍水水人氣在中皮膚緻腠理閉汗不出血氣強肉堅濇當是之時善行水者不能往水善穿地者不能鑿凍善用針者亦不

入醫學綱目卷六

十

能取四厥血脈凝結堅搏不往來者亦未可卽柔故行水者必待天溫水釋凍解而水可行地可穿也人脈猶是也治厥者必先熨調和其經掌與腋肘與腳項與脊以調之火氣已通血脈乃行然後視其病脈淖澤者刺而平之堅緊者破而散之氣下乃止此所謂以解結者也刺節真經篇○下同用針之類在於調氣氣積於胃以通榮衛各行其道宗氣留於海其下者注於氣衝其上者走於息道故厥在於足宗氣不下脈中之血凝而留止弗之火調弗能取之用針者必先察其經絡之實虛切而循之按而彈之視其應動者乃後取之而下之六經調者謂之不病雖病謂之自巳也

大寒在外留而補之入於中者從合瀉之針所不為灸之

所宜官能篇○從合治之

黃帝曰人之振寒者何氣使然岐伯曰寒氣客於皮膚陰氣盛陽氣虛故為振寒寒慄補諸陽

鍼灸臟腑惡寒有三

其一取肺經云振寒鼓頷不得汗出腹脹煩寃取手太陽是也 其二取胃經云胃足陽明之脉是動則病酒酒振寒善伸數欠視盛虛熱寒陷下取之也 其三取膽經云膽足少陽之脉所生病者汗出振寒視盛虛熱寒陷下取之也

針灸下

撮下部寒冷 關元 腎俞

桑君又法 氣海 中極

甲振寒痲痺手不伸咳嗽唾濁氣膈善嘔鼓頷不得汗煩滿身痛因為痲痺尺澤主之 頭項惡風汗不出悽厥惡寒嘔吐目系急痛引額頭重項痛玉枕主之 悽悽振寒

大醫學綱目卷六

土

數欠伸鬲俞主之

密語通身惡寒筋脉拘急十指不得近風

絕骨二寸半推而上之 令氣中和為解

治往來寒熱

靈榮之生病也寒熱少氣血上下行壽天剛柔篇

仰云婦人中風七八日續得寒熱發作有時經水適斷此

為熱入血室其血必結故使如瘧狀發作有時小柴胡湯

主之方見傷寒

瀉小柴胡加減法 如寒熱往來經水不調去半夏加秦

芫芍藥當歸知母地骨皮牡丹皮川芎白朮茯苓 如小

柴胡湯與四物湯各半名調經湯 無孕嘔者加半夏

無汗者加柴胡 惡寒者加桂 有汗者加地骨皮 嗽

者加紫苑 通經者加京三稜廣茂 勞者加鱉甲

感寒飲  
冷脉沉  
寒者屬

羅完顏小將軍病寒熱間作腕後有班三五點鼻中微血  
出兩手脉沉瀹胸膈四肢按之殊無大熱此內傷寒也問  
之向者臥殿角傷風又渴飲冰酪水此外感者輕內傷者  
重外從內病俱為陰也故先班後顯內陰症寒熱間作  
脾亦有之非徒少陽之寒熱也與調中湯數服而愈  
調中湯

白茯苓

乾薑

白朮

甘草各等分

右劉如麻荳大每服五錢水一盞半煎

經云風氣盛於皮膚之間內不得通外不得洩風者善行  
而數變腠理開則洒然寒閉則熱而悶其寒也則衰飲食  
其熱也則消肌肉故使人怵慄而不能食名曰寒熱皮膚  
為寒熱○全文見風  
門怵慄一作失味  
盛為寒熱全文  
見診 因於露風乃生寒熱全文見  
五臟 風

醫學綱目卷六

三

河解風湯治中風寒熱頭目昏眩肢體疼痛手足麻痺上  
膈壅沸

人參

川芎

獨活

甘草

麻黃

去節湯洗  
焙各一兩

細辛

半兩

右為末每服三錢水一盞生薑五片薄荷葉少許同煎  
至八分不計時候

防風湯治中風寒熱

防風

甘草

黃芩

桂枝

當歸

白茯苓

秦艽

乾葛

各一兩半

杏仁五十枚

右為散水酒薑棗煎服

脾大腸有宿食寒慄發熱有時如瘡輕則消導重則下之  
熱食承氣之類寒食

見脫之類並  
宿食門求之



右積聚而寒熱以積聚法治之

雲地骨皮散治血中風氣體虛發渴寒熱

柴胡

地骨皮

桑白皮

枳殼

前胡

黃芪各七錢半

白茯苓

五加皮

人參

甘草

桂心

芍藥半兩

右咬咀每服三錢生薑三片水煎

柴胡散治寒熱體瘦肢節疼痛口乾心煩

柴胡

黃芪

赤茯苓

白朮各二兩

人參

地骨皮

枳殼製

桔梗

桑白皮

赤芍藥

生地黃各七錢半

麥門冬三兩

甘草半兩

右咬咀每服四錢薑五片水煎

本事有一師尼患惡風體倦乍寒乍熱面赤心煩或時自

醫學綱目卷六

三

汗是時疫氣大行醫見其寒熱作傷寒治之大小柴胡雜進數日病劇予診視之三部無寒邪脉但厥陰弦長而上魚際宜服抑陰等藥予製此地黃丸

生地黃三兩

柴胡

秦艽

黃芩各半兩

赤芍藥一兩

右細末煉蜜丸桐子大每服三十九烏梅湯吞下不拘

時候日三服昔宋褚澄療師尼寡婦別製方蓋有為也

此二種寡居獨陰無陽慾心萌而多不遂是以陰陽交

爭乍寒乍熱全類溫瘧久則為勞當讀史記倉公傳載

濟北王侍人韓女病腰背痛寒熱聚醫皆以為寒熱也

倉公曰病得之欲男子不可得也何以知其然診其脉

肝脉弦出寸口是以知之蓋男子以精為主婦人以血

為主男子精盛則思室婦人血盛則懷胎夫肝攝血故

也厥陰弦出寸口又上魚際則陰血盛可知褚澄之言  
信有爲矣

右地黄丸雖曰抑陰實補陰瀉陽之劑也

丹趙孺人夜間發寒後便熱丑寅時退起來口渴食少無  
味穀不化腹痛而泄倦怠或遇事則熱燥赤眼氣壅又不  
耐風寒亦惡熱

白木錢二

芍藥炒一錢

陳皮錢一

黃芩半錢

炒栢錢三

炙甘草分二

炒芩分三

牡丹分三

木通分三

人參錢半

歸身錢二

硝砂分三

煎下保和丸實腸丸各三十丸

呂十四孺人怒氣後寒熱咳嗽食少淋泄

縮砂分三

甘草分三

人參半錢

白木半錢

連翹錢一

陳皮錢一

茯苓錢一

薑二片同煎

大醫學綱目卷六

酉

潤肺散治嗽方見嗽

大柴胡湯治結熱在裏往來寒熱助

有宿食者以宿食法治之

臟腑寒熱有四

一曰肺經云脉之至也喘而虛名曰肺痺寒熱得之醉而  
使內也又曰肺脉微急爲肺寒熱是也

二曰脾經云脾脉小甚爲寒熱是也

三曰大陽經云三陽爲病發寒熱是也

四曰陽維難經云陽維爲病苦寒熱是也

運氣

運氣寒熱有二

一曰火熱攻肺經云少陰司天熱氣下臨肺氣上從喘嘔  
寒熱又云少陽司天火氣下臨肺氣上從寒熱肺腫又云  
少陰司天熱淫所勝寒熱皮膚痛又云歲水不及燥乃大



行復則病寒熱瘡瘍治以寒劑是也

二曰寒熱相錯經云陽明司天之政天氣急地氣明民病寒熱發暴三之氣燥熱交合民病寒熱又云陽明司天燥氣下臨肝氣上從民病寒熱如瘰癧又云少陰司天之政四之氣寒熱互至民病寒熱治視寒熱多少其制是也

子和武陽仇天祥之子病發寒熱諸醫作骨蒸勞治之半年病甚戴人往視之診其手脉尺寸皆朝於關關脉獨大戴人曰肺癰也問其乳媪曾有痛處乳媪曰無戴人令兒去衣舉其兩手觀其兩脇下右脇稍高戴人以手側按之兒移身避之按其左脇則不避戴人曰此肺部有癰已吐膿矣

針灸上

灸素灸寒熱之法先灸項大椎以年為壯數王註云如患人之年數次灸振骨以年為壯數尾膏謂之振骨視背膕陷者灸之膕者為筋

八醫學綱目卷六

五

骨之間陷中也王註背膕骨際有陷處也舉臂肩上陷者灸之有肩陷穴也兩季脇之間灸之京門穴也外踝上絕骨之端灸之陽輔穴也足小指次指間灸之依溪穴也臑下陷脉灸之承筋穴也外踝後灸之崑崙穴也缺盆骨上切之堅動如筋者灸之富隨其所而有灸之膺中陷骨間灸之天突穴也未詳是否掌束骨下灸之陽池穴也臍下關元三寸灸之毛

動脉灸之衝陽穴也膝下三寸分間灸之三里穴也足陽明跗上不已者必視其經之過於陽者數刺其俞而藥之按項大椎至巔也已上出骨空論

壹皮寒熱者不可附席毛髮焦鼻槁脂不得汗取三陽之絡以補手太陰肌寒熱者肌痛毛髮焦而唇槁脂不得汗取三陽于下以去其血者補足太陰以出其汗骨寒熱者病無所安汗注不休齒未槁取其少陰于陰股之絡齒已



汗出不止  
難治

治寒熱汗出不休  
骨寒熱者已入骨

高死不治骨厥亦然  
寒熱病篇○無汗而寒熱者屬表可  
治寒熱汗出不休骨寒熱者已入骨

肺寒熱  
咳喘

邪在肺則病皮膚寒熱上氣喘汗出欬動肩背取之膈中

外胸背三節五臟之傍以手疾按之快然乃刺之取之缺  
盆中以越之五邪

肝寒熱  
小便不利  
口苦

小腹滿大身時寒熱小便不利取足厥陰全文見小腸滿  
絡病者善太息口苦下利寒熱取陽陵泉全文見刺法

風寒熱  
取分理

素病風且寒且熱汗出一日數過先刺諸分理絡脉汗出

多血絡  
者取血

且寒且熱三日一刺百日而已  
經云凡刺寒熱皆多血絡必間日而一取之血盡乃止乃

調其虛實

甲寒熱五處及天柱風池腰膈長强大中膺內俞上窞  
斷交上腕關元天牖天容合谷陰谿關衝中渚陽池消燥

八醫學綱目卷六

去

少澤前谷腕骨陽谷少海然谷至陰崑崙主之 身寒熱  
陰都主之 寒熱刺腦戶 風寒熱腋門主之 心如懸

陰厥脚膈後廉急不可前却痿痺便膿血足跗上痛舌卷  
不能言善笑心下痞四肢倦溺青赤白黃黑青取井赤取

榮黃取輪白取經黑取合 血痔泄後重腹痛如癰狀臥  
仆必有所扶持及失氣涎出鼻孔中腹痛中常鳴骨寒熱

無所安汗出不休復溜主之 骨寒熱洩難腎膈主之  
肺寒熱呼吸不得臥上氣嘔沫喘氣相迫逐胸滿脇膈急

息難振慄脉鼓氣高胸中有熱支滿不嗜食汗不出腰脊  
痛肺俞主之 咳而嘔涌寒食不下寒熱皮肉膚痛少氣

不得臥胸滿支兩脇兩上兢兢脇痛腹膜胃腕暴痛上氣  
肩背寒痛汗不出喉痺腹中痛積聚然嗜臥怠惰不

欲動身常濕濕一作温心痛無可搔者鬲俞主之 欬而脇

喘咳寒  
熱取背  
輸大陰

滯急不得息不得反側腋脇下與臍相引筋急而痛反折  
目上視眩耳中翛然肩項痛驚狂忛少腹滿目眦眦生白  
翳欬引胸痛筋寒熱唾血短氣鼻酸肝俞主之 寒熱食  
多身羸瘦兩脇引痛心下賁痛心如懸下引臍少腹急痛  
熱面急一作目眦眦久喘咳少氣溺濁赤腎俞主之 寒  
熱咳嘔沫掌中熱虛則肩背寒慄少氣不足以息寒厥交  
兩手而脅口沫出實則肩背熱痛汗出暴四肢腫身濕搖  
肘寒熱鐵則煩飽則善面色變一作口噤不開惡風泣出  
列缺主之 寒熱胸背急喉痺欬上氣喘掌中熱數欠伸  
汗出善忘四肢厥逆善笑溺白列缺主之 胸中膨膨然  
甚則交兩手而脅暴痺喘逆刺經渠及天府此謂之大胸  
肺系急胸中痛惡寒胸滿悒悒然善嘔膽汁腦中熱喘  
逆氣氣相追逐多濁唾不得息肩背風汗出面腹腫高中

入醫字綱具卷六

食噎不下喉痺肩息肺脹皮膚骨痛寒熱煩滿中府主之  
寒熱目眦眦善欬喘逆通谷主之 煩心欬寒熱善噦  
勞宮主之 寒熱唇口乾身熱喘息息息急痛善驚三間主  
之一本云寒熱心背引痛胸中不得息咳唾血涎煩中善  
噦食不下欬逆汗不出如瘧狀目淚出悲傷心膈主之  
寒熱善嘔商丘主之 嘔厥寒時有微熱脇下支滿喉痛  
噎乾膝外廉痛淫灤脛痠腋腫馬刀瘻有腫吻傷痛大  
衝主之

頭痛寒  
熱取少  
陽厥陰

嘔寒熱  
取太陽  
厥陰

寒熱頭痛喘喝目不能視神庭主之其目泣出頭不痛者  
聽會取之 寒熱頭痛如破目痛如脫喘逆煩滿嘔吐流  
汗頭維主之 寒熱胸滿頭痛四肢不舉腋下腫上氣胸  
中有聲喉中鳴天池主之 寒熱頭痛水溝主之 寒熱  
善怖頭重足寒不欲食腳攣京骨主之 下部寒熱病汗  
不出體重逆氣頭眩痛飛陽主之 肩背痛寒熱源瘕送



頸有大氣暴聾氣蒙瞽耳目不開頭領痛淚出目鼻衄不得息不知香臭風眩喉痺天牖主之 寒熱痠痛四肢不

舉腋下腫馬刀挾瘦髀膝脛骨淫灤痠痺不仁陽輔主之 寒熱頸癰癰欬呼吸多手三里左取右右取左 寒熱

頸癰癰大迎主之 寒熱癰癰胸中滿有大氣缺盆中滿痛者死外漬不死肩引項不舉缺盆中痛汗不出喉痺欬

嗽血缺盆主之 寒熱頸癰癰肩痛不可舉臂臑膈主之 寒熱頸癰癰耳鳴無聞痛引缺盆肩中熱痛手臂不舉

有真主之 寒熱癰癰目不明欬上氣唾血肩中膈主之 寒熱頸腋腫申脉主之 寒熱頸頰腫後谿主之 胸

中滿耳前痛齒熱痛目赤痛頸腫寒熱渴飲輒汗出不飲則皮乾熱煩曲池主之

振寒小指不用寒熱汗不出頭痛喉痺舌急卷小指之間

頭領腫 寒熱取 太陽陽 明  
振寒寒 熱取太 陽

醫學綱目卷六

熱口中熱煩心心痛臂內廉痛聾欬瘕瘕口乾頭痛不可顧少澤主之 振寒寒熱肩臑肘臂頭痛不可顧煩滿身

熱惡寒自赤痛皆爛生翳膜暴痛軌耳聾臂重痛肘攣痲疥腦滿引臑泣出而驚頸項強身寒頭不可顧後谿主

之 振寒寒熱頸項腫實則肘攣頭眩痛狂易虛則生疣小者痲疥支正主之 寒熱悽厥鼓頰承漿主之

有痛引項寒熱缺盆主之 身熱汗不出臂中熱滿天窞主之 寒熱肩腫引臑中肩臂酸痛臑膈主之 臂厥肩

膈胸滿痛目中白臂眼青轉筋掌中熱乍寒乍熱缺盆中相引痛數欬喘不得息臂內廉痛上鬲欬已煩滿太淵主

之

腹脹痛 寒熱取 太陽陽 明

寒熱腹臑央央然不得息京門主之 善鬲頰齒唇熱汗不出口中熱痛衝陽主之 胃管痛時寒熱皆主之



篡反出  
寒熱取  
太陽

寒熱篡反出承山主之 寒熱篡後出瘰癧脚膈酸重戰  
慄不能久立脚急腫痛跌筋足攣少腹痛引喉噎大便難  
承筋主之

脛腫寒  
熱取少  
太陽

寒熱脛腫丘墟主之 寒熱痺脛不收陽交主之 跟厥  
膝急腰痛引腹篡陰股熱陰暴痛寒熱膝瘦重合陽主  
之 寒熱解嬾爛一作淫灤脛痠四肢重痛少氣難言至陽  
主之

腰骨痛  
寒熱取  
太陽

寒熱腰痛如折束骨主之 寒熱骨痛玉枕主之

滿者善  
病寒熱

靈黃帝曰人之善病寒熱何以候之少俞答曰小骨弱肉  
者善病寒熱黃帝曰何以候骨之大小肉之堅脆色之不  
一也少俞答曰顙骨者骨之本也顙大則骨大顙小則骨  
小皮膚薄而其肉無腠其臂濡濡然其地色始然不與天  
同色汚然獨異此其候也然後臂薄者其髓不滿故善病

醫學綱目卷六

九

寒熱也五變  
篇

寸微惡  
寒尺弱  
發熱

仲云病有洒淅惡寒而復發熱者何也曰陰脉不足陽往  
從之陽脉不足陰往乘之何謂陽不足假今寸口脉微名  
曰陽不足陰氣上入陽中則洒淅惡寒也何謂陰不足假  
今尺脉弱名曰陰不足陽氣下陷入陰中則發熱也全文傷

素寸口脉沉而喘曰寒熱平人氣

也脉要精微論○沉 脉溢洪大寒熱在中 尺膚烘然

先熱後寒寒熱也言初捫尺膚則 尺膚先寒久之而熱

者亦寒熱也言初捫尺膚則 寒熱奪形脉堅搏是逆也

寒熱安  
臥脉肉  
生

尺肉熱者解你安臥脫肉者寒熱不治全文

寒熱赤  
門

診寒熱赤脉上下貫臆子見一脉一歲死見一脉

子死

半一歲半死見二脉二歲死見二脉半二歲半死見三脉

三歲死見赤脉不下貫瞳子可治也○寒熱篇  
寒熱病者平旦死全大見診生死

產後往來寒熱

雲產後往來寒熱四物內加小柴胡湯

保治日久虛勞微有寒熱脉沉而數宜柴胡四物湯

川芎 當歸 芍藥 熟地黄各一錢半

柴胡八錢 人參 黃芩 甘草

半夏各三錢

右為末水煎服

雲產後往來寒熱而脉弦者少陽也小柴胡加生地黃湯

柴胡二兩 黃芩五錢 人參三錢 半夏一兩五錢

大棗三枚 生地黃 梔子 枳殼炒各五錢

右如煎服

醫學綱目卷六

辛

增損柴胡湯治產後虛發寒熱飲食少腹脹

柴胡 人參 甘草 半夏

陳皮 川芎 白芍藥各等分

右咬咀每服三錢薑五片棗二枚水同煎食後日二服

天全治產後乍寒乍熱增損四物湯

人參 當歸 芍藥 川芎

乾薑各一兩 甘草

右咬咀每服四錢水一盞薑三片煎七分去查熱服無

時

雲熱地黃散治產後瘧勞皆由體虛氣力未壯勞復所起

四肢煩疼時發寒熱

熟地黄 人參 白芍藥 白茯苓

白朮 續斷各一兩 黃芪 桂心



五味子

當歸

川芎

各七錢半

右咬咀每服四錢薑三片棗一枚水同煎

黃芪丸治產後羸勞寒熱進退頭目眩痛骨節酸疼氣力

乏

黃芪

鱉甲

當歸

炒各兩

桂心

白芍藥

續斷

川芎

牛膝

茯苓

沉香

栝子仁

枳殼各六錢半

五味子

熟地黃各半兩

右爲細末煉蜜爲丸桐子大每服四五丸粥飲下食

後

外熱內寒外寒內熱

表熱裏寒

仲云病人身大熱反欲得近衣者熱在皮膚寒在骨髓也

活人云先與桂枝湯治寒次與小柴胡湯治熱也

醫學綱目卷六

主

羅病有遠近有緩急 征南帥不憐吉亥年七旬丙辰冬  
南征至楚丘諸路迎送多獻酒醴因而過飲太多遂腹痛  
腸鳴自利日夜約有五十餘行咽噎腫疼耳前後赤腫舌  
本強涎唾稠粘欲吐不吐以手洩之方出言語艱難反側  
胸亂夜不得臥予診得脉浮數極按之沉細而弦即謂中  
丞粘公曰仲景言下利清穀身體疼痛急當救裏清便自  
調急當救表救裏四逆湯救表桂枝湯今胃氣不守下利  
清穀腹中疼痛雖宜急治之比之咽噎痛猶可少待公曰  
何謂也答曰內經云瘡發咽噎名曰猛疽此疾治遲則咽  
塞咽塞則氣不通氣不通則半日死故宜急治於是遂砭  
刺腫上紫黑血出頃時腫勢大消遂用桔梗甘草連翹黍  
粘酒製黃芩升麻防風等分咬咀每服約五錢水煮清令  
熱嗽冷吐去之咽之恐傷脾胃自利轉甚再服涎清腫散



聲出後以神應丸辛熱之劑以散中寒解化宿食而燥脾濕丸者取其不卽化則不犯上焦至病所而後化乃治主以緩也不數服利止痛定後胸中閉塞作陣而痛思靈樞云上焦如霧宣五穀味蒸膚充身澤毛若霧露之溉是爲氣也今相公年高氣弱自利日久致脾胃中生發之氣不能滋養於心肺故使閉塞而痛經云上氣不足推之揚之脾不足者以甘補之再與發散甘辛之味溫養脾胃加以升麻人參上升以順正氣不數服而胸中快利痛止內經云調氣之方必別陰陽內者內治外者外治微者調之其次平之盛者奪之隨其攸利萬舉萬全又曰病有遠近治有緩急無越其製又曰急則治其標緩卽治其本此之謂也

熱寒裏

仲云病人身大寒反不欲近衣者寒在皮膚熱在骨髓也

八醫學綱目卷六

主

活人云先與白虎加人參湯治熱  
次與桂枝麻黃各半湯以解其外

上熱下寒上寒下熱

羅上熱下寒治驗 中書左丞姚公茂六旬有七宿有暗

風至元戊申末因酒病發頭面赤腫而痛耳前後腫尤其胸中煩悶嗑咽不利身半已下皆寒足脛尤其由是以牀相接作坑身半已上常臥於牀飲食減少精神困倦而體痛命予治之診得脉浮數按之弦細上熱下寒明矣內經云熱勝則腫又曰春氣者病在頭難經云畜則腫熱砭射之也蓋取其易散故遂於腫上約五十餘刺出血紫黑約一盃數頃時疼痛消散又於氣海中大艾炙百壯乃助下焦陽虛退其陰寒次於三里二穴各灸三七壯治足胫下寒引導陽氣下行故也遂製一方名曰既濟解毒湯以熱者寒之然病有高下治有遠近無越於此以黃芩黃連苦

寒酒製為引用瀉其上熱桔梗甘草辛甘溫升佐諸苦藥  
治其熱柴胡升麻苦平味薄者也陽中之陽散發上熱連  
翹苦辛平散結消腫當歸辛溫和血止痛酒煨大黃苦寒  
引苦性上行止煩熱投劑之後腫散痛減大便利再服減  
大黃慎言語節飲食不旬日良愈

既濟解毒湯治上焦頭目赤腫而痛胸膈煩悶不得臥身  
半已下皆寒足胛尤甚大便赤秘

大黃

酒煨大便  
利不用

連翹

酒製  
炒

黃芩

酒  
炒

甘草

炙

黃連

酒  
炒

桔梗

各二錢

柴胡

歸身

升麻

各一錢

診

脈熱病所謂陽附陰者腰以下至足熱腰以上寒陰氣下  
爭還心腹滿者死所謂陰附陽者腰以上至頭熱腰以下  
寒陰氣上爭還得汗者生

八醫學綱目卷六

三

鍼灸

靈上寒下熱先刺其項太陽久留之已刺則熨項與肩胛  
令熱下合乃止此所謂推而上之者也刺節真邪論下同上熱  
下寒視其虛脈而陷之於經絡者取之氣下乃止此所謂  
引而下之者也

交施  
補瀉

經另有上熱下寒經曰陰病在陽當從陽引陰必須先由  
絡脈經隧之血若陰中火旺上騰於天致六陽反不衰而  
上充者先去五臟之血絡引而下行天氣降下則下寒之  
病自去矣慎勿獨瀉其六陽此病陽亢乃陰火之邪滋之  
只去陰火只損血絡經隧之邪勿悞也 聖人以上熱下  
寒是有春夏無秋冬也當從天外引陽下降入地中此症  
乃上天羣陰火熾而反助六陽不能衰退先於六陽中決  
血絡出血使氣下降三陰雖力微能逐六陽下行以陰血  
自降故也可謂老陽變陰之象也故經云上熱下寒視



其虛脉下陷於經絡者取之此所謂引而下之也但言絡脉皆是也病大者三稜鍼決血去陽中之熱熱者手太陽小腸中雷火熱之邪致此老陽不肯退化爲陰而下故先決去手太陽之熱血使三陰得時之用而下降以行秋令奉收道下入地中而舉藏也乃瀉老陽在天不肯退化行陰道者也至元戊辰春中書叅政楊公正卿年踰七十病面顏鬱赤若飲酒狀痰稠粘時眩暈如在風霧中一日會都堂此症忽來復加目瞳不明遂歸命予診候兩寸脉洪大尺脉弦細無力此上熱下寒明矣欲藥之爲高年氣弱不任記先師所論凡上熱譬猶鳥巢高顛射而取之卽以三稜針於顛前髮際疾刺二十餘出紫黑血約二合許卽時頭目清利諸苦皆去自後不復作刺上熱下寒與經皆責其虛治之能引上熱下降垣於熱處得血候熱自裏退而下降也

醫學綱目卷六

五

密語上寒下熱上熱下寒

懸鍾

二十半上寒下熱先補後瀉上熱下寒先瀉後

補或分開上寒補懸鍾五分下熱瀉曲池一寸五分

瘧寒熱

內經論瘧皆生於風暑

魄汗未盡形弱而氣燂穴俞已閉發爲風瘧

見生氣通天論

秋善病風瘧全文見五臟 夏暑汗不出者秋成風瘧

素黃帝問曰夫瘵瘡皆生於風其蓄作有時者何也岐伯曰瘵之始發也先起於毫毛伸欠乃作寒慄鼓頷腰脊俱痛寒去則內外皆熱頭痛如破渴欲飲冷帝曰何氣使然

願聞其道岐伯對曰陰陽上下交爭虛實更作陰陽相移也陽分於陰則陰實而陽虛陽明虛則寒慄鼓頷也巨陽

邪入并陰則陰實陽虛

也陽分於陰則陰實而陽虛陽明虛則寒慄鼓頷也巨陽

邪出并陽則陽實陰虛

虛則腰背頭痛三陽俱虛則陰氣勝陰氣勝則骨寒而

故熱虛

痛寒生於內故中外皆寒陽盛則外熱陰虛則內熱內外皆熱則喘而渴故飲冷也此皆得之夏傷於暑熱氣盛藏



日作者  
邪客淺  
者邪客  
深

邪與衛  
言於風  
則病

新邪循  
風府下  
脊背寒  
衛會則  
日安

伏脊上  
久邪循  
缺盆與

衛會則  
日耳

風無常  
府邪客  
處是府

於皮膚之內腸胃之外此榮氣之所舍也此令人汗空疎  
腠理開因得秋氣汗出遇風及得之以浴水氣舍於皮膚

之內與衛氣并居衛氣者晝日行於陽夜行於陰此氣得  
陽而外出得陰而內薄內外相薄是以日作帝曰其間日

而作者何也岐伯曰其氣之舍深內薄於陰陽氣獨發陰  
邪內着陰與陽爭不得出是以間日而作也帝曰善其作

日晏與其日早者何氣使然也岐伯曰邪氣客於風府循  
膂而下衛氣一日一夜大會於風府其明日日下一節故

其作也晏此先客於脊背也每至於風府則腠理開腠理  
開則邪氣入邪氣入則病作以此作日稍益晏也其出於

風府日下一節二十五日一作五一下至骹骨二十六日一作六  
入於脊內注於伏膂伏一作中之脉其氣上行九日出於缺盆

之中其氣日高故作日益早也其間日發者由邪氣內薄

八 醫學綱目卷六

於五臟橫連募原也其道達其氣深其行遲不能與衛氣

俱行不得皆出故間日乃作也靈樞經云虛者內薄於五  
臟橫連募原其道達其氣  
遲其行遲不能日作故次日乃畜積而作焉詳畜積二字  
則非一日之義明矣始明邪氣未盛未與衛氣相當故未  
作必候畜積與衛  
氣相當故作焉

帝曰夫子言衛氣每至於風府腠理乃發發則邪氣入入  
則病作今衛氣日下一節其氣之始發也不當風汗其日

作者奈何岐伯曰此邪氣客於頭項循膂而下者也故虛  
實不同邪中異所則不得當其風府也故邪中於頭項者

氣至頭項而病中於背者氣至背而病中於腰脊者氣至  
腰脊而病中於手足者氣至手足而病衛氣之所在與邪

氣相合則病作故風無常府衛氣之所發必開其腠理邪  
氣之所舍則其府也 帝曰瘧先寒而後熱者何也岐伯

曰夏傷於大暑其汗大出腠理開發因遇夏氣淒滄之水

寒藏於腠理皮膚之中秋傷於風則病成矣夫寒者陰氣也風者陽氣也先傷於寒而後傷於風故先寒而後熱也病以時作名曰寒瘧帝曰先熱而後寒者何也此先傷於風而後傷於寒故先熱而後寒也亦以時作名曰溫瘧帝曰夫病溫瘧與寒瘧而皆安舍於何藏岐伯曰溫瘧得之冬中於風寒氣藏於骨髓之中至春則陽氣大發邪氣不能自出因遇大暑膈熱肌肉消腠理發泄或有用力邪氣與汗皆出此病藏於腎其氣先從內出之於外者也如是者陰虛而陽盛陽盛則熱矣衰則氣復反入入則陽虛陽虛則寒矣故先熱而後寒名曰溫瘧其但熱不寒者陰氣先絕陽氣獨發則少氣煩冤手足熱而欲嘔名曰瘧瘧帝曰瘧瘧何如岐伯曰瘧瘧者肺素有熱氣盛於身厥逆上衝中氣實而不外泄因有所用力腠理開

人醫學綱目卷六

五

風寒舍於皮膚之內分肉之間而發發則陽氣盛陽氣盛而不衰則病矣其氣不及於陰故但熱而不寒氣內藏於心而外舍於分肉之間令人消燦肌肉故名曰瘧瘧帝曰瘧未發其應何如岐伯曰瘧氣者必更盛更虛當氣之所在也病在陽則熱而脉躁在陰則寒而脉靜極則陰陽俱衰衛氣相離故病得休衛氣集則復病也衛與邪相并則病作與邪相離則病休其并於陰則寒并於陽則熱離於陰則寒已離於陽則熱已至次日又集而并合則復病也

帝曰時有間二日或至數日發或渴或不渴其故何也岐伯曰其間日者邪氣與衛氣客於六府而有時相失不能相得故休數日乃作也瘧者陰陽更勝也或甚或不甚故或渴或不渴

已上俱瘧論篇



時應四

帝曰火熱復惡寒發熱有如瘧狀或一日發或間數日發其故何也岐伯曰勝復之氣會過之時有多少也陰氣多而陽氣少則其發日遠陽氣多而陰氣少則其發日近此勝復相薄盛衰之節也瘧亦同法至真要大論

帝曰論言夏傷於暑秋必病瘧今瘧不必應者何也岐伯曰此應四時者也其病異形者反四時也其以秋病者寒甚以冬病者寒不甚以春病者惡風以夏病者多汗帝曰夫風之與瘧相似同類而風獨常在瘧則有時而休者何也岐伯曰風氣留其處故常在瘧氣隨經絡沉以內薄故衛氣應乃作瘧瘧論

保夏傷於暑秋必病瘧蓋傷之淺也近而暴傷之重也遠而深瘧瘧者久瘧也是知夏傷於暑濕熱閉藏而不能發洩于外邪氣內行至秋而發為瘧也初不知何經受病隨

一醫學綱目卷六

三

其受而取之有中三陽者有中三陰者大抵經中邪氣其症各殊同傷寒治之也故內經曰五臟皆有瘧其治各別在太陽經者謂之風瘧治多汗之在陽明經者謂之熱瘧治多下之在少陽經者謂之風熱瘧治多和之此三陽受病皆謂暴瘧也發在夏至後處暑前者此乃傷之淺者近而暴也在陰經者則不分三經皆謂之溫瘧宜以太陰經論之其發處暑後冬至前者此乃傷之重者遠而深也瘧瘧者老瘧也故謂之久瘧

桂枝羌活湯治瘧病處暑前後頭痛項強脉浮惡風有汗

桂枝

羌活

防風

甘草

炙各半兩

右為籠末每服半兩水一盞半煎至一盞溫服迎發日

服吐者加半夏

瘧疾頭痛項強脉浮惡風無汗者宜麻黃羌活湯



麻黃

羌活

防風

甘草各各半兩

右同前服法如吐加半夏麴等分

治瘧病身熱目痛熱多寒少腓長睡以不安先以大柴胡湯下之微利為度如下過外微邪未盡者宜白芷湯以盡其邪

白芷湯

白芷

知母各一兩

石膏兩四

右為籠末同前服法

治瘧無他症隔日發先寒後熱寒少熱多宜桂枝石膏湯

桂枝

錢五

石膏

知母各一兩半

黃芩兩一

右為籠末分作三服水半盞同煎服間日者邪氣所舍深也如外邪已罷內邪未已再下之從卯至午發者宜大柴胡湯下之從午至酉者知邪在內也宜大承

醫學綱目卷六

元

氣湯下之從酉至子發者或至寅時發者知邪在血

也宜桃仁承氣湯下之前項下藥微利為度以小柴

胡湯徹其微邪之氣

治瘧寒熱大作不論先後此太陽陽明合病也謂之大爭寒熱作則必戰動經曰熱勝則動也發熱則必汗泄經云汗出不愈知為熱也陽盛陰虛之証治當內實外虛不治恐久而傳入陰經也宜桂枝芍藥湯主之

桂枝

錢二

黃芪

知母

芍藥

石膏各半兩

右為籠末五七錢用水煎如前藥服之寒熱轉大者

知太陽陽明少陽三陽合病也宜桂枝黃芩湯以和之

甘草

四錢半

石膏

錢五

知母

錢五

桂枝

錢二

柴胡

二錢

黃芩

四錢半

人參

四錢

半夏

錢四

右爲庵末同煎服後如外邪已罷內邪未已用大柴胡大承氣等湯下之

治處暑後冬至前後瘧其法並於久瘧法求之  
局方雙解飲子治瘧疾辟瘴氣神効

肉苳菟

草苳菟各二箇一箇用水和  
麩一箇生用

厚朴

二十一兩用生薑汁浸炙一兩生用  
大者二兩一兩

生薑

二塊如棗大一塊  
布裹煨一坭生用

右各咬咀每服分一半用水一碗煎至一大盞去查空

心溫服

東垣云秋暮暑氣衰病熱瘧知其寒也局方用雙解飲子是已如此方治寒瘧也

保治發瘧如前症是夜發者麻黃黃芩湯主之

麻黃

去節  
甘草炙三

桃仁三十枚  
去皮

黃芩

去節  
桂二錢

右爲細末依前服法桃仁味苦甘辛肝者血之海血受

入醫學綱目卷六

元一

邪則肝氣燥經所謂肝苦急急食甘以緩之故桃仁散

血緩肝謂邪氣深遠而入血故夜發乃陰經有邪此湯

發散血中風寒之劑

世桃仁承氣湯治夜瘧有實熱者方見傷寒

治先熱後寒者小柴胡湯先寒後熱者小柴胡加桂枝湯

多熱但熱者白虎加桂枝湯多寒但寒者柴胡桂薑湯

實之寒熱多少定治法也若多寒但有寒者其脉或洪

有熱者其脉或空虛或微弱當作虛寒治之若便用白虎

湯亦悞也所以欲學者必先問其寒熱或熱多熱少或寒

多寒少又診脉以參之百無一失矣

小柴胡加桂湯治瘧先寒後熱方見傷寒 小柴胡湯治瘧先

熱後寒 仲溫瘧者其脉如平身無寒但熱骨節疼煩時便難白虎

加桂枝湯主之脉經云朝發暮解

善發瘧  
氣發居  
四

知母兩

甘草二兩

石膏斤

粳米合

桂去皮三兩

右剉每服五分水一盞煎八分去渣溫服出汗愈

柴胡桂薑湯治瘧寒多微有熱或寒不熱方見傷寒

瘧多寒者名曰牡瘧蜀漆散主之

蜀漆燒去腥 雲母燒三日夜 龍骨等分

右三味搗為散末發前以漿水服半錢匕如溫瘧加蜀

漆一錢臨發時服一錢匕

牡礪湯治牡瘧

牡礪四兩 麻黃去節 甘草二兩 蜀漆三兩

右四味以水八升先煮蜀漆麻黃去上沫得六升內諸

藥煮取二升溫服一升若吐則勿更服

柴胡去半夏加括萎湯治瘧病後渴者亦治勞瘧

醫學綱目卷六

辛

柴胡八兩 人參 黃芩各三兩 括萎根四兩

生薑二兩 大棗十二枚 甘草三兩

右七味以水一斗二升煮取六升去渣再煎取三升溫

服一升一日兩三服

丹瘧 有風 有暑 有食 有痰

三日一發者受病一年 間日一發者受病半年 一日

一發者受病一月 二日連發住一日者氣血俱受病

一日間日者補藥帶表藥後用截瘧丹截之在陰分者用

藥徹起陽分方可用截方

常山 草果 檳榔 知母

烏梅 川山甲炒 甘草炙

用水酒各一大碗煎至半碗露一宿臨發前二時溫服

之如吐則勿服之



大法補  
中常散

大法暑風必當發汗夏月多在風涼處歛遂閉汗而不泄  
因食者必從飲食將息 瘧而虛者須先用參朮一二帖  
托住其氣不使下陷後用他藥治內傷挾外邪者同法  
內必生痰必以汗解二陳湯加柴胡常山黃芩 瘧而甚  
者發寒熱頭痛如破渴而飲水自汗可與

人參 黃芪 白朮 黃連

黃芩 梔子 川芎 蒼朮

半夏 天花粉 水煎服

一丈夫瘧脉弦細每日近午發此風寒也

白朮 柴胡 青皮 半夏

蒼朮 麻黃 木通 桂

甘草

何氏子年二十歲瘧間日作頭痛惡寒為甚

八醫學綱目卷六

三

麻黃 白朮 青皮 木通

蒼朮 桂皮 半夏 炙甘草

小娘患瘧汗但未到下體

白朮 麻黃 知母 半夏

人參 桂枝

分二貼薑三片水二盞半煎至半盞露星月下一夜次

日早空心熱服

陳一之子二歲間日瘧

麻黃 白朮 蒼朮 陳皮

半夏 木通 甘草

何主首二十歲瘧間兩日作寒自足起發時口渴身痛頭

痛服已有汗

麻黃 黃芪 白朮 青皮

芍藥

蒼朮錢二

木通錢一

炙甘草錢三

柴胡錢一

王舅瘡左弦甚右畧濇將退時有汗

人參兩一

半夏兩一

白朮

柴胡錢六

蒼朮

青皮錢各五

木通兩一

甘草錢一

分五帖煎服三之一去查入薑汁半杯露一夜次早晨服之

王孺人舊患瘧疾因勞心力又發今骨節疼痛惡心食少與此方

人參錢五

白朮兩半

蒼朮兩一

陳皮兩一

川芎

當歸

木通錢各七

甘草錢一

分六帖薑三片

馮官人發瘧脉弦有汗

醫學綱目卷六

垂

人參錢五

黃芪

黃連

白朮錢各三

芍藥兩一

茯苓錢三

黃芩錢三

作五帖水煎服

盧兄瘧後辛苦再發脉大洪而浮此血傷也宜補之

人參錢半

白朮錢一

黃芩錢四

甘草錢四

白芍錢一

黃連錢三

生地黃

茯苓

歸尾錢各五

作一帖熱飲仍灸大椎穴五壯

一婦人五十餘歲形實喜作勞性急味厚喜火食夏却患惡寒發熱更作無休時衣被雖厚常凜然兩脉皆濇予作雜合邪治之遂以四物湯加陳皮以人參白朮為君生甘草黃柏為佐多入薑汁吞通神丸三十九回金柳青各二十九阿魏十九煎三帖而得睡第五帖而身和第七帖通

身微汗諸症皆去

蜀方人參養胃湯

甘草 茯苓

甘草炙七錢 橘紅七錢半

半夏湯洗各一兩

人參去蘆各半兩 厚朴去皮姜製 蒼朮湯洗炒

右咬咀每服四錢水一盞半薑七片烏梅一箇煎至七

分去查熱服脈弱無力或寒多者加乾薑附子如脈洪有力熱多者加黃芩黃連柴胡

右朴蒼藿香發散也半菓茯苓橘却痰也人參用之惟虛

人最宜

丹絕瘧青蒿丸

青蒿 冬瓜皮 官桂 馬鞭草酌二

右藥焙乾為末糊為丸如胡椒大每一兩分四服於戊

時前一時服盡 治瘧方百草霜黃丹等分細研每服

大醫學綱目卷六

重一

二錢七於發日虛心水調服不止連兩服愈 治瘧用

蒜不拘多少研極爛以黃丹少許聚為度丸如雞頭大

候乾每服一九新汲水下西東服至妙

垣治瘧疾

大蒜一顆分兩片

右一片內入巴荳肉一粒輕紙裹煨熟去巴荳研入黃

丹為丸如雞頭大每服一九先發寒用桃枝七寸東向

者煎湯發日五更面北服如發熱用冷水送下未全好

次發又可進一服除根

右黃丹劫痰例輕劑也

易簡七寶湯

常山 陳皮 青皮 檳榔

甘草 厚朴等分

草菓



右咬咀每服半兩水酒各一盞煎六分當發日侵辰服  
之此服有常山必須吐而愈或當日大作俗謂鬪藥是  
也虛怯人及脾胃寒者不宜服

右此劫痰例重劑也虛人慎之或補後用之  
局方尅効飲子

龍腦

麝香

定粉

各研半兩

荷葉

焙

菖茸末

甘草

炙各五兩

硃砂

研九

信

錢半

金箔

二十五片爲本

右爲末煉蜜搜和每兩作二十九無名異爲衣每服一  
二丸溫水磨連日發者未發前服之間日者不發夜服  
之隔數日發者前一日夜服之

河辟邪丹治嵐瘴鬼瘧併日頻日

菖茸

雄黑豆

各四十九粒

信

半錢另研

醫學綱目卷六

孟

黃丹

硃砂

右爲末同入乳鉢內滴水爲丸分作三十粒每服一粒  
用東南桃枝取七枚研汁井花水早晨日欲出不出時  
向日吞之

右信砒劫痰爲至峻之劑虛人切忌之

運氣瘧疾有二

一曰火熱經云歲火太過炎暑流行金肺受邪民病瘧少  
氣又云火太過曰赫羲其病笑瘧狂妄又云火鬱之發民  
病溫瘧又云少陽司天火淫所勝民病發熱惡寒而瘧又  
云少陽之復發而爲瘧又云少陽司天之政民病寒熱瘧  
治以寒劑是也

二曰寒濕經云陽明司天爲四之氣病瘧寒之候是也

河斷瘧如聖散

砒二

蜘蛛大者

雄黑豈四十九粒

右爲末滴水爲丸如雞頭大如來日發於今晚夜北斗  
下先獻過次早以紙裹於耳內札一丸立愈如神一粒  
可救二人

素帝曰夫經言有餘者瀉之不足者補之今熱爲有餘寒  
爲不足夫瘧者之寒陽火不能溫也及其熱水水不能寒  
也此皆有餘不足之類當此之時良工不能止必須其自  
衰乃刺之其故何也願聞其說岐伯曰經言無刺熇熇之  
熱無刺渾渾之脉王註曰渾渾請脉無端緒無刺漉漉之汗故爲其病  
逆未可治也夫瘧之始發也陽氣并於陰當是之時陽虛  
而陰盛外無氣故先寒慄也陰氣逆則復出之陽陽與  
陰復并於外則陰虛而陽實故先熱而渴夫瘧氣者并於  
陽則陽勝并於陰則陰勝陰勝則寒陽勝則熱瘧者風寒

八醫學綱目卷六

五

之不常也病極則復至病之發也如火之熱如風雨不可  
當也故經言曰方其盛時必毀因其衰也事必大昌此之  
謂也夫瘧之未發也陰未并陽陽未并陰因而調之真氣  
得安邪氣乃亡故工不能治其已發爲其氣逆也帝曰善  
攻之奈何早晏何如岐伯曰瘧之且發也陰陽之且移也  
必從四末始也陽已傷陰從之故先其時堅束其處令邪  
氣不得入陰氣不得出審候見之在孫絡盛堅而血者皆  
取之此其往而未得并者也論 凡治瘧先發如食頃乃  
可治過之則失時也 瘧發身方熱刺跗上動脉開其空  
而血立寒 瘧方欲寒刺手陽明太陰足陽明太陰謂  
山血當隨井 瘧脉滿大急刺背俞用中針傍五腧各  
而刺之 一適肥瘦出其血也王註云背俞謂大杼五腧 瘧脉小實  
命嗜嗜也○脉去魚反 瘧脉緩大虛便宜  
忌灸脛少陰刺指井指井至陰穴也 瘧脉緩大虛便宜

瘧

砒



用藥不宜用鍼 諸瘡而脉不見刺十指間出血血去必

已先視身之赤如小菝者盡取之 刺瘡者必先問其病

之所先發者先刺之 先頭痛及重者先刺頭上及兩額

兩眉間出血 王註云頭上謂上星百會兩額 謂懸顛兩眉間謂橫竹等穴 先項背痛

者先刺之 先腰脊痛者先刺郄中出血 先手臂痛者

先刺手少陰陽明十指間 先足脛痠痛者先刺足陽明

十指間出血 風瘧瘧發則汗出惡風刺三陽經背俞之

血者 胛痠痛甚按之不可名曰附髓病以鑱針針絕骨

出血立已 身體小痛刺至陰諸陰之并無出血間日一

刺 瘧不渴間日而作刺足太陽渴而間日作刺足少陽

靈樞經云瘧不渴間日而作 刺足陽明渴日作刺手陽明 溫瘧汗不出為五十九刺

足太陽之瘧令人腰痛頭重寒從背起先寒後熱熇熇

暍暍然熱止汗出難已刺郄中出血 金門穴黃帝中註圖 經云委中主之海藏

八 醫 學 綱 目 卷 六

羌活加生地黃湯 足少陽之瘧令人身體解休寒不甚熱

不甚惡見人見人心惕惕然熱多汗出甚刺足少陽 俠難 穴海

胡湯 足陽明之瘧令人先寒洒淅洒淅寒甚久乃熱熱

去汗出喜見日月火光火氣乃快然刺足陽明跗上 衝陽 穴

足太陰之瘧令人不樂好太息不嗜食多寒熱汗出病至

則善嘔嘔已乃衰即取之 待病衰即取之并俞及公 孫海小建中湯吳攻散 足

少陰之瘧令人嘔吐甚多寒熱熱多寒少欲閉戶牖而處

其病難已 海小柴胡加半夏湯陽明病 見少陰中是賊邪故難已 足厥陰之瘧令

人腰痛少腹滿小便不利如癰狀非癰也數便噫恐懼氣

不足腹中悒悒刺足厥陰 太衝穴海四物加 紫胡苦練附子湯 肺瘧令人

心寒寒甚熱熱間善驚如有所見者刺手太陽陽明 列缺 合谷

心瘧者令人煩心甚欲得清水反寒多不甚熱刺手少

陰 神門 肝瘧者令人色蒼蒼然太息其狀若死者刺足厥

陰見血封 脾瘧者令人寒腹中痛熱則腸中鳴鳴已汗

出刺足太陰丘 腎瘧者令人灑灑然腰脊痛死轉大便

難目眴眴然手足寒刺太陽少陰主之 胃瘧者令人且

病善饑而不能食食而肢滿腹大刺足陽明太陰橫脈出

血厲先解谿 瘧寒熱甚寒熱厥取手陽明 瘧寒少熱

多取足少陽 瘧面赤目眴眴心痛取手陽明少陽 瘧

腰背痛不渴取足太陽俱刺瘧

甲瘧瘧神庭及百會主之 瘧振寒熱盛狂言天樞主之

瘧盛熱列缺主之 瘧寒厥及熱厥煩心善噦心滿而

汗出刺少商出血立已 熱瘧口乾商陽主之 瘧寒甚

欲嘔沫陽谿主之 風瘧汗不出偏歷主之 瘧多寒少

熱大鍾主之 瘧欬逆心悶不得臥嘔甚熱多寒少欲閉

戶而處寒厥足熱太谿主之 瘧瘕癢驚股膝重折轉筋

八 醫學綱目卷六

頭眩痛解谿主之 瘧日西發臨泣主之 瘧多汗腰痛

不能俛仰目如脫項如拔崑崙主之 瘧不渴間日作崑

崙主之

久瘧

久瘧者瘵瘧也以其隔二三日一發纏綿不去

丹老瘧係風暑之邪入在陰分在臟宜用血藥引出陽分

而散川芎撫芎紅花當歸蒼白朮白芷黃栢甘草露一宿

早服古方多用峻劑恐非稟受怯弱與居養所移者所宜

始悟常山砒丹烏梅劫劑或誤投之輕病變重重必危矣

三日一作者邪入於三陰經也作於子午卯酉日者少陰

經瘧也作於寅申巳亥日者厥陰經瘧也作於辰戌丑未

日者太陰經瘧也瘧得於暑當以汗解或因取涼太過汗

鬱成痰其初感也弱者即病胃氣強者伏而未發至於再



感復因內傷其病乃作宜其難瘥夫感暑與風皆外邪也故非汗多不解今之遺此疾者已經再三劫試胃氣重傷何由得愈欲治此症必先與參朮等補劑爲君加柴葛等發散藥漸而收汗得汗而虛又行補養下體屬陰最難得汗補藥力到汗出至足方是佳兆

丹治一婦病瘧三日一發食少經不行已三月脈無時冬寒議作虛寒治疑誤再診見其梳洗言動如常知果誤也經不行非無血爲痰所得脈無非血氣虛乃積痰生熱結伏其脈而不見耳當作實熱治與三花九旬日後食進脈出帶微弦謂胃氣既全雖不瘥當自愈而經行也令淡滋味果應三花神佑丸方見水脹

一婦身材小味厚瘧瘧月餘間日發於申酉頭與身痛寒多喜極熱辣湯脈伏面慘晦作實熱治之以十棗湯爲末

醫學綱目卷六

三五

粥丸黍米大服十粒津嚙日三次令淡飯半月大汗愈

久瘧欲吐不吐宜吐之用藜蘆散或雄黃散瘧病能食而痰伏者小胃丹傷飲食

一人性急好酒色味厚適多憂怒患久瘧忽大熱下臭積大孔痛陷下此大虛脈弦大而浮以瓦磨如錢圓燒紅童便焮急取以紙裹於痛處恐外寒乘虛而入也以參歸陳皮煎服淡味半月而安

一婦人久痢因哭子變瘧一日五六作汗如雨不止脈微數疲甚無邪可治陰虛陽散死在旦夕且服四獸等熱劑遂用參朮各二兩白芍藥一兩黃芪半兩炙甘草二錢作大劑四五服而愈

一人因勞役發嗽得瘧瘧又服發散藥變爲發熱舌短語言不正痰乳有聲脈洪實似滑先用獨參湯加竹瀝二貽

穀一服後吐膠痰舌本正後用黃芪人參湯服半月而愈  
葶蘆散 大葶蘆末<sup>伍</sup> 溫蠶水調下以吐爲度

雄黃散 雄黃 瓜蒂 赤小豆<sup>各一</sup>

右爲細末每服半錢溫水調下以吐爲度

驚甲煎丸 治瘧母

驚甲<sup>十二分</sup> 烏扇<sup>三分</sup> 黃芩 鼠婦<sup>熬</sup>

大黃 桂枝 石韋<sup>去</sup> 厚朴

紫葳 阿膠<sup>各三分</sup> 乾姜 人參

桃仁<sup>各二分</sup> 柴胡 虢卿<sup>熬各六分</sup> 芍藥

牡丹皮 麋虫<sup>炒各五分</sup> 蜂窠<sup>炙四分</sup> 瞿麥<sup>二分</sup>

葶蘆<sup>炒</sup> 半夏<sup>各一分</sup> 赤硝<sup>十二分</sup>

右二十三味爲末取銀竈下灰一斗清酒一斛五斗浸  
灰候酒盡一半着驚甲於中煮令泛爛如膠漆絞取汁

醫學綱目卷六

堯

內諸藥煎爲丸如桐子大空心服七九日三服

瘧母丸

青皮 桃仁 紅花 神麴

麥芽 驚甲<sup>醋炙</sup> 三稜 蓬朮

海粉 香附<sup>俱用醋炙</sup>

右爲末神麴糊爲丸如桐子大每服五七十九丸白湯下  
小兒瘧疾痞塊用生地芍藥各一錢半陳皮川芎黃芩半

夏各一錢甘草二分姜水煎調驚甲末服

十棗湯 芫花<sup>醋浸</sup> 大戟 甘遂<sup>製各等分</sup>

右爲末每服半錢水一盞棗十枚同煎半盞服

瘧脹

秋深久瘧胸中無物又無痰癖腹高而食少俗謂瘧氣入  
腹宜蒼朮湯主之

蒼朮兩

草烏頭錢一

杏仁三十箇

右為粗末起作一服水三升煎至一半均作三服一日服盡

產後瘡

產後瘡疾多由汚血挾寒熱而作大法宜柴胡四物湯調之熱多者宜服草菓飲子

半夏湯泡七次

赤茯苓

草菓煨去皮

甘草炙

陳皮

川芎

白芷各一錢二分

紫蘇

良姜

青皮各六分

乾姜二錢四分

右咬咀分二貼水二盞姜五片棗二枚煎至八分當發日早連進三服無不効者

寒多者宜服生熟飲子

肉苳菘

草菓仁

厚朴

半夏

醫學綱目卷六

平

陳皮

甘草

大棗核

生姜各二錢半

右咬咀分二分一半生一半以濕紙裹煨香熟和勻分作二貼水二盞煎八分空心一服食後一服二相并煎

午前二服



杭州圖書館